

O projektu „Umjetnošću i sportom protiv svih ovisnosti“

Projekt je u svom začetku imao intenciju da kroz veliki broj interaktivnih programa, radionica i foruma okupi veliki broj djece, omladine i starijih osoba. Nažalost, kao i svi drugi projekti u 2020. godini i naš projekt je morao doživjeti doradu, kako bi se mogao uklopiti u okolnosti koje su se stvorile s početkom pandemije Covid-19. S obzirom da se cijelo vrijeme usložnjavala situacija, pod strogim preporukama zdravstvenih stožera, nije bilo moguće održati sve predviđene aktivnosti, tačnije trebalo je prilagoditi brojke učesnika kako su to preporuke nalagale. I pored navedenih činjenica projekt je uspješno proveden i sve aktivnosti koje su bile planirane, ipak su održane. Zbog intenzivnog izoliranja od drugih ljudi, i još većeg prisustva virtualnog svijeta, u našim životima, a posebno u životima mlađih naraštaja, postalo je još bitnije organizovati sve programe na otvorenom, volonterske akcije čišćenja Partizanovog igrališta, zatim aktivnosti u sklopu trodnevnog programa Grad IDEAA 2020 te niza radionica koje su se održavale tokom jeseni.

Potrebno je napomenuti da je niz edukacijskih program, u originalnoj aplikaciji bio planiran kao program koji bi se održavao u školama, zbog pandemije s toga je taj dio aktivnosti preformulisan i održan u obliku u kojem je to bilo moguće, a što je dokumentovano i ovim Izvještajem.

Odobrena sredstva po našem zahtjevu bila su manja za 30% od traženog iznosa, što je dodatno utjecalo na provđenje projekta, na način da se obim predviđenih aktivnosti proporcionalno umanjio, a da smo zbog svih navedenih okolnosti neke predložene aktivnosti morali ili isključiti ili preraditi i ponuditi u drugom obliku, od onog koji je prvobitno bio zamšljen. Tako da smo npr. zbog novonastale situacije dio projektnih aktivnosti i utroška novca na printanje promotivnih materijala, usmjerili na također promotivni materijal, ali u digitalnom formatu. Radi se o video materijalu koji čini dio ovog Izvještaja. Smatrali smo da je to značajno bolja promocija koja ostvaruje veći doseg, uključenost i zainteresiranosti za projekte ovog tipa.

S obzirom na naša ranija iskustva, i na ovom projektu nam se potvrdilo koliko je rad u zajednici neophodan za grad Mostar i mlade ljude, stvaranje zainteresovanosti za angažman u zajednici gdje svaki pojedinac dodatno gradi sebe, sigurnost u samoga sebe, a to je jako važno za jedno stabilno i prosperitetno društvo. Broj učesnika i finalni produkt niza kreativnih aktivnosti od street art radionica, produkt dizajn radionica, izrade murala, edukacijskih radionice, te sportskih aktivnosti, pokazatelj su koliko svaki pojedinac, pogotovo onaj mlađeg uzrasta, može na kreativan i ispunjen način trošiti svoje slobodno vrijeme i samim tim biti minimalno izložen opasnostima koje vrebaju prije svega na društvenim mrežama i internetu, ali i opasnostima ulice i sličnim mjestima koja nisu prilagođena za njihov uzrast. Napredak savremene tehnologije otvorio je velike mogućnosti zbog dostupnosti raznih informacija, međutim sve je manje odgojno-obrazovnog sadržaja, dok je manipulativnih sadržaja sve više. Posebno danas u vremenu pandemije COVID19 kada se i nastava odvija online, mladi ljudi sve više provode vremena na telefonima, za računarima i drugim IT uređajima. Mediji danas, posebno elektronički, igraju

veliku ulogu u životima djece i mladih, kojima predstavljaju put do edukativnih, informativnih i zabavnih sadržaja, prenoseći poruke o životnim vrijednostima i aktuelnim trendovima. Danas su jedan od glavnih sredstava socijalizacije mladih ljudi, a osim što utječu na zauzimanje stavova prema relevantni društvenim problemima, utječu i na kvalitetu komunikacije, a sve više socijalizacijski isključuju školu, porodicu i vjerske ustanove. To dodatno utiče na mogućnost socijalizacije i uopšte potrebu za boravkom sa vršnjacima u realnom svijetu. Sve pozitivne i negativne pojave povezane s informacijskim tehnologijama treba posmatrati kao izazov za koji je potrebno pripremiti adekvatne programe. U skladu sa navedenim u sklopu projekta „Umjetnošću i sportom protiv svih ovisnost“ IDEAA je poseban akcent stavila na edukaciju mladih o navedenoj problematici. I ove radionice su zbog specifičnosti situacije održane na otvorenom, na prostoru Partizanovog igrališta, a dvije radionice su održane putem Zoom platforme. Cilj je edukacija mladih o štetnosti svih pošasti današnjice krenuvši od onih iz realnog života: droge, alkohola, igra na sreću, ali i pošasti prevelike izloženosti internetu i društvenim mrežama. Naglašeni cilj radionica je bio podizanje svijesti kod mladih, o važnosti prevencije neograničenog i nekontrolisanog korištenju savremenih medijima, odnosno promocija slobodnih aktivnost izvan „cyber“ prostora, prije svega pozitivan utjecaj umjetnosti, kreativnosti i sporta u tom kontekstu.

Mladi su imali priliku da steknu nova znanja uz pomoć eksperata u oblasti pedagogije o pametnom korištenju savremenih tehnologija, načinima zaštite na istim kako i važnost pametnog korištenja slobodnog vremena. Kroz radionice sučeljene su dvije teme: značaj sporta u životu mladog čovjeka, a sa druge strane značaj savremenih tehnologija i virtuelnog prostora. Mladi navode da je sport potreban za pravilan sveukupni razvoj čovjeka, to je područje gdje brojne sfere su zadovoljene i upravo sport je ključan u borbi protiv ovisnosti o kojima se tokom radionice najviše govorilo. Mladi su navodili da ovakav vid edukacija je prijeko potreban da se implementira u školama, i to ne samo za učenike već i za roditelje. Jedna od voditeljica ove radionice je bila i višenagrađivana sportistkinja koja je kroz svoje iskustvo naglasila da sport prije svega pomaže da se izgradite kao dobar čovjek, da budete primjer drugima što je dodatna vrijednost za izgradnju zdravog društva.

Rezultat radionice je zadovoljstvo mladih ljudi informacijama koje su primili, a posebno su bili slobodni da razgovaraju na zadanu temu. Putem Zoom Platforme mladi su imali priliku da pogledaju video film pod nazivom “Reci ne” koji prikazuje tri scenarija zlostavljanja maloljetnika putem interneta. Neki od komentara na ovaj video film su bili: “ Ovo ću čitav život pamtit” ili “Poruke koje smo primili osvijestili su nas u potpunosti, sada ćemo biti još oprezniji na internetu”. Preporuka učesnika, polaznika radionica, je bila da se programi ovog tipa, koje je kroz porjekt „Umjetnošću i sportom protiv svih ovisnosti“ realiziralo udruženje Urbana kuća IDEAA, treba češće organizirati i okupljati što veći broj učesnika.

Na kraju možemo zaključiti da je Projekat "*Umjetnošću i sportom protiv svih ovisnosti*" pokazao koliko kreativan i aktivan život omladine i djece grada Mostara može doprinijeti poboljšanju stanja u prosotru i ozdravljenju društva.

Projekt ukazuje na činjenicu da je moguće život mladog pojedinca organizovati na način da bude ispunjen kreativnom energijom i sportskim duhom. Sve aktivnosti projekta održane su na igralištu Društva za sport, rekreaciju i fizičko vaspitanje Dsrifv Partizan koji je glavni partner projekta. Posebne zahvale za podršku i saradnju upućujemo Street Arts Festivalu i Udruženju građana "Dignitet". U projektu je učestvovalo preko 100 aktivnih učesnika starosne dobi od 6 do 30 godina starosti, sa područja Mostara, Bosne i Hercegovine i regiona, te im se ovim putem zahvaljujemo.

Projekt je finasiran iz sredstava dijeka prihoda ostvarenih u Budžetu Federacije Bosne i Hercegovine po osnovu naknade za prirešivanje igara na sreću.